

Verbâl de riunion dal Consei Gjenerâl dai 28 di Avrîl dal 2018

Clamât adun cun letare prot. 192/18 dai 5 di Avrîl dal 2018, sabide ai 28 di Avrîl dal 2018 aes cuatri sore sere si à dât dongje a Udin, te sede di vie Manin 18, il Consei Gjenerâl de Societât Filologjiche Furlane, par discuti dal ordin dal dì metût ca sot:

1. Leture e aprovazion dal verbâl de volte prime;
2. Comunicazions dal President;
3. Presentazion de *Setemane de culture furlane 2018*;
4. Ativitâts sociâls e propuestis dai conseîrs;
5. Variis se dal câs.

Ae clamade dal President Federico Vicario a rispuindin i conseîrs:

Janežič, Bortolussi, Cinausero Hofer, Del Fabbro, Della Mora, Di Gleria, Finco, Franco, Madriz, Miotto, Mitri, Moro, Ottogalli, Padovani, Pastres, Pelizzo, Petris, Sclipa, Taverna, Tilatti, Varutti, Venuti, Vezzi, Vicario.

Si son justificâts:

Aita, Begotti, Bulfon, Carlon, Castellarin, Chiarandini, Fadelli, Frau, Frisano, Grossutti, Lorenzini, Medeossi, Menegoz, Montico, Pagnucco, Pugnetti, Romanzin, Ruffini, Sluga, Zanello.

No son:

Angeli, Baron, Bergamini, Bogaro, Calligaris, Cozzi, Del Torre, Donada, Mariuz, Milanese, Morandini, Muzzatti, Pascoli, Perini, Portelli, Rizzolatti, Roncali, Saccomano, Serena, Sicco, Tassin, Tirelli, Zof, Zoldan.

Al è ancje presin il soci onorari: Angeli.

Il President al propon al Consei Cristina Di Gleria tant che Segretarie Verbalizant. Il Consei al fâs buine la propueste.

PONT NUMAR 1 DAL O.D.D.:

Leture e aprovazion dal verbâl de volte prime.

La verbaliste e lei il verbâl de riunion dal Consei Gjenerâl dai 15 di Dicembar dal 2017. Il verbâl al ven fat bon a la unanimitât.

PONT NUMAR 2 DAL O.D.D.:

Comunicazions dal President.

Il President al inzorne il Consei cun rivuart a:

1. lis iniziativis e lis manifestazions inmaneadis intai prins mês dal an:

- a Udin, intal Palaç de Provincie ai 22 di Zenâr, presentazion dal volum *Oronimi Friulani*, curât di Barbara Cinausero Hofer e Ermanno Dentesano;
- a Udin, ca in Palaç Mantica ai 26 di Zenâr, presentazion dal volum *Il sogno della Regione Friuli*;
- iniziativis inmaneadis in ocasion des manifestazions pe Fieste de Patrie:
 - a Morteian lunis ai 9 di Avrîl presentazion dal volum *Contis sot spirt* di Raffaele Serafini;
 - a Vierse martars ai 10 di Avrîl presentazion dal volum *Sentire il tempo - vecchie prose e altri versi di Celso Macor* par cure di Gabriele Zanello e Rienzo Pellegrini;
 - a Vildivar vinars ai 13 di Avrîl presentazion dal volum *Plaidarts. Un lunari di vitis comedadis* di Gianluca Franco;
 - a Bertiûl sabide ai 14 di Avrîl presentazion dal video documentari *Cence sunsûr e je lade une civiltât* di Remigio Romano;
 - a Codroip, tal Teatri Benoit De Cecco ai 7 di Avrîl, la 5.e Zornade de Scuele Furlane *Marilenghe & Mariscuele*, in parie cul Comun e cun l'Istitût Comprensîf;
 - a Udin, inte Sale Madrassi, lunis 23 di Avrîl incuintri *Udine per il Friuli* cui candidats sindic di Udin.

Il President al ricuarde ancje le Assemblee tignude dal Ente Friuli nel mondo e al domande al vicepresidente Carlo Venuti di presentâ ce che al è stâ dit in che suaze. Venuti al ripuarte che il statût al è stâ riviodût viodude la cancelazion des provinciis e la gnove presince de Fondazion Friûl.

Pelizzo al rimarche che a si varès di rinfuarçâ la presince de Filologjiche soledut intun moment dulà che la rapresentance politiche e je falant sul teme dal furlan. Duncje e je la Filologjiche che e à di fâsi fuarce e soperî lis mancjancis di chei altris, par preservâ la furlanetât de nestre Regjon.

Il President al informe di vê ringraziât l'assessôr Torrenti pe atenzion e pe poie dadis ae nestri Societât in chescj agns. Al met daspò in lûs la continue mancjance di bande dal Messaggero Veneto su lis iniziativis inmaneadis de Filologjiche.

Al ricuarde ancje che e je in pins une convenzion cu la Fondazion che e da finanziaments ancje plui siôrs rispiets ai agns passâts (no dome par Olmis). Lôr a domandin di jessi segnalâts in dutis lis iniziativis di ambit furlan.

Il President al ripuarte ae assemblee che il prof. Frau al à fate domande par une sostituzion te direzion de riviste "Ce fastu?". Pelizzo al domande che ae vegni mandade indaûr cheste richieste viodût il moment di dificolât, marcjant che a si varès di sostignîlu il plui pussibil.

Il President al ringracie pai interventis e al torne a cjapâ la peraule par segnalâ:

2. i projets de Filologjiche che a son in vore:

- *Eduka2*: a son lâts indenant i lavôrs cui insegnants che a partecipin al projet transfrontalîr; a son stâts fâts cinc incuintris di Zenâr in ca in colaborazion cu la Universitât Ca' Foscari di Vignesie;
 - *Conosciamo la Grande Guerra in Friuli*: o sin daûr a finî il projet di didatiche “Conosciamo la Grande Guerra in Friuli Venezia Giulia 1917”, inte suaze dai finanziaments regjonâi su la Prime Vuere, cun 11 seminaris fats di Fevrâr a Mai, e la publicazion dal fassicul, rincurât di Ivan Portelli, *L'inutile strage*. Al è stât finanziât ancje il projet pal 2018.
 - *Docuscuele*: dentri dal projet “Marileghe te scuele” a son stâts stampâts e distribuîts 7 fassicui di supuart al insegnament dal furlan te scuele primarie. Cui gnûfs finanziaments regjonâi simpri sul projet “Marileghe te scuele” a vignaran publicâts altris fassicui cheste volte pes scuelis mezanis.
 - *Cors pratics*: di Zenâr a son stâts inviâts 22 cors pratics intai Comuns de Regjon: o vin 561 iscritti cun 15 insegnants;
 - *Biblioteche*: a son stâts digjitalizâts ducj i Numars Unics de Societât: i file pdf dai articui a son disponibii sul catalic in linie de Biblioteche ae direzion www.filologicafriulana.it/catalogo;
 - *Identità Culturale del Friuli*: la Societât e colabore al projet, insieme a Deputazion di Storie Patrie, Istitût Pio Paschini, Academie Udinese di Siencis Letaris Arts, Academie San Marc e Universitât Popolâr di Udin, che ancje par chest an al à vût il finanziament regjonâl.
3. par chel che a rivuarde lis *rivistis sociâls*: us à rivât a cjase il *Sot la Nape* n. 4 dal 2017. O sin in vore cul n. 1 dal 2018. Il n. 2 al è dedicât a Budoie, lûc de Fraie de Vierte di chest an e al è rincurât di Pier Carlo Begotti e Vittorina Carlon e al jessarà prin dal n. 1.

Il President al domande a Carlo Venuti, tant che curadôr, di presentâ il numar unic che si sta improntant su Colorêt. Venuti al declare lis dificultâts di organizazion cul Comun: ancje la date dal Congrès e je inmò in forsit a dispiet des tantis richiestis fatis al sindic.

PONT NUMAR 3 DAL O.D.D.:

Relazion de Setemane de culture furlane

Il President al mostre une presentazion ppt dulà che a si segnalin ducj i partners, i ents e lis associazions che a colaborin cu la Setemane.

La Setemane di chest an e conte 130 events. Il President al segnale cualchidune des iniziativas come la presentazion dal diari Olmîs (a Tarcint in ricuart di Chino Ermacora, e sarà ancje la premiazion dal Premi Chino Ermacora - Scuele e marileghe), che chest an al conte la storie a fumuts de Societât Filologjiche pai siei cent agns; lis leturis pai fruts; la cunvigne par Feo di Bean a dîs agns de muart e par Antonio Comelli a vincj agns de muart; la cunvigne “Gestione e valorizzazione delle malghe in proprietà collettiva” e “Archivi digitali e risorse archivistiche

nel web”; la Fraie de Vierte ai 20 di Mai a Budoie cuntune schirie di iniziativis leadis e cu la presentazion dai ats de setemane passade (Cultura in Friuli IV).

Il President al ricuarde a ducj la conference stampe di presentazion de Setemane che a si tignarà joibe ai 3 di Mai aes 17.30.

PONT NUMAR 4 DAL O.D.D.:

Ativitâts sociâi e propuestis dai conseîrs.

Mitri al cjape la peraule par segnalâ i grancj cambiaments dentri de gnove publicazion di “Cence sunsûr”, lavôr di grant valôr antropologjic, soledut la presince des cuatri lenghis tal DVD: furlan, talian, inglês e spagnûl, fundamentâi pe jessude tai Fogolârs furlans ator pal mont.

Del Fabbro e cjape la peraule par segnalâ che a son inmò i cjants di Claudio Noliani dai agns Cincuante, impuartant document pe Cjargne, che a si podaressin meti su CD pal centenari. Celestino Vezzi al segnale che al sarès biel meti dongje il CD ae publicazion “Anime della Carnia” che a no si cjate plui in cumierç.

PONT NUMAR 5 DAL O.D.D.:

Variis.

Nuie ce segnalâ.

La riunion si siere aes 17.15.

La segretarie verbalizant

Cristina Di Gleria